



Grupacija Svjetske banke

Projekt poboljšanja lokalnog okruženja za investiranje LIFE)

decembar 2015. godine - januar 2019. godine


Opšti cilj projekta LIFE je da pruži podršku lokalnim vlastima u Bosni i Hercegovini (BiH) u jačanju njihove konkurentnosti i podsticanju rasta privatnog sektora kroz:

- smanjenje regulatornog opterećenja na lokalnom nivou,
- zatvaranje jaza u implementaciji regulatornog okvira,
- napredovanje transparentnosti u pružanju regulatornih usluga, te
- povećavanje obima investicija kroz privlačenje investitora, olakšavanje njihovog rada i zadržavanje investitora u zemlji.

Projekt LIFE će u toku naredne 3 godine biti implementiran u 20 lokaliteta širom zemlje.

Zašto rad na lokalnom nivou?

Različiti nivoi vlasti, uključujući 143 opštine u cijeloj zemlji i 10 kantona u Federaciji BiH, predstavljaju ogromno opterećenje za privatni sektor, sa prosječno 156 administrativnih postupaka na opštinskom nivou i 222 administrativna postupka na kantonalnom nivou, odnosno sa troškovima za provođenje propisa u iznosu 4 miliona USD i 21 milion USD.



Lokalno u okviru "Reformske agende"

Projekt LIFE predstavlja nadgradnju iskustava iz prethodnih angažmana Grupacije Svjetske banke, kada sinergijski efekat pojednostavljenja propisa dovodi do značajnih rezultata, kao što je povećanje zaposlenosti za 6.4% u lokalitetima koji su ranije realizovali reformu. Takav programski pristup osigurava da su aktivnosti međusobno povezane, u nastojanju da se postigne cjelokupnost opšteg reformskog procesa pod nazivom „Reformska agenda“. „Reformska agenda“ za BiH sadrži mapu puta koja stavlja privlačenje investicija u fokus budućeg rasta i prosperiteta. Pošto je investiranje lokalna pojava koja zavisi od lokalne investicione klime, projekt LIFE postavlja temelje za jačanje lokalne konkurentnosti i stvaranje stabilnije i dinamičnije privrede.




Očekivani rezultati

- Povećana konkurentnost privatnog sektora kroz smanjenje troškova za preduzeća (direktnih troškova za 7 miliona USD, uz 20%-no smanjenje indirektnih troškova) do zaključenja projekta;
- Mjerilo udaljenosti od granice (vezano za izvještaj poslovanje - Doing Business) poboljšano za pet (5) poena u svakom vremenskom trenutku u svakoj od sljedećih oblasti: pokretanje poslovanja, registracija imovine, dobijanje priključaka za električnu energiju i građevinskih dozvola, do zaključenja projekta;
- Priliv investicija u iznosu 10 miliona USD kao rezultat privlačenja investitora, pružanja podrške investitorima i zadržavanja investitora godinu dana nakon završetka projekta a kroz rad na jačanju saradničke mreže kreatora politika sa ciljem rješavanja otvorenih pitanja investitora i kroz rad na servisiranju investitora;
- Povećana transparentnost u provođenju propisa na nivou lokalnih vlasti i pružanja usluga preduzećima kroz uspostavu 20 funkcionalnih i javnih elektronskih registara administrativnih postupaka i 20 registara investicijskih poticaja do kraja projekta, radi obezbjeđivanja informacija o administrativnim postupcima za preduzeća;
- Alati za nastavljane rada na regulatornim reformama preneseni na ministarstva

Projektne aktivnosti

Projekt LIFE će primijeniti sistematski pristup u tri ključne oblasti, osiguravajući lokalno preuzimanje vlasništva nakon zaključenja projekta.



Projekt poboljšanja lokalnog okruženja za investicije (LIFE) implementira grupacija Svjetske banke u partnerstvu sa Britanskom ambasadom u Bosni i Hercegovini



British Embassy
Sarajevo

Opštine i kantoni u BiH takođe pružaju podršku za ovaj projekt.

Za dodatne informacije:

■ **Tarik Šahović**
Projektni menadžer

Zmaja od Bosne bb (RBBH – zgrada B/III)
71000 Sarajevo, Bosna i Hercegovina
elektronska pošta: tsahovic@ifc.org